



晦菴先生朱文公詩集卷之五

五言律詩

殘鵬

殘鵬生春序愁霖逼歲昏
小紅敷艷萼衆綠被陳根
陰壑泉方注原田水欲渾
農家向東作百事集柴門

過黃塘嶺

屈曲危塍轉沉陰山氣昏
蟬聲高樹暗石瀨淺流喧
已過黃塘嶺欲覓桃花源
無為此留滯驅馬踰山樊

宿白芒畬

早發招賢里夜宿白芒畬
川曠前山雨風驚澗樹花

途陸縣異縣曛黑泊田家逢人聊問路猶恨去程賒

夏日二首

夏景已逾半林陰方澹然鳴蟬咽餘響池荷競華鮮
抱痾守窮廬釋志趣幽禪即此窮日夕寧為外務牽

又

雲臻川谷暝雨來林景清齋舍無餘事涼氣散煩纓
望山懷釋侶盥手閱仙經誰懷出塵意來此俱無營

贈仰上人

澗谷秋雲曉飄飄無定姿氛氲升遠樹凌亂起寒颼
雨罷成孤鶴天高逐散絲上人歸別嶺心迹但如斯

冬日二首

蕭索時序晚已復度高秋回澗白波起通川絳樹稠
晨風散清霜嘉稻卷平疇獨懷志士感歲事幸將休

又

清霜染澗樹蕭索向嚴冬密雨有時集寒雲無定容
波明橫瀨出風急遠林空一極窓間眺高旻矗亂峯

懷友

山夕烟景亂林空鳥啼幽懷人隔春江夢想積離憂
覽物懷悄之臨觴但悠之裴回東西步悟歎復何求

山館觀海棠作二首

景暄林氣深，雨罷寒塘綠。置酒此佳辰，尋幽慕前躅。
芳樹麗烟華，紫絛散清馥。當由懷別恨，寂寞向空谷。
又

春草地塘綠，忽驚花嶼紅。亂英深淺色，芳氣有無中。
置酒賓朋集，披襟賞咏同。若非摹寫得，應逐綵雲空。

巖桂

山中綠玉樹，蕭灑向秋深。小閣芬微度，書帷氣欲侵。
披懷清露曉，遇賞夕嵐陰。珍重王孫意，天涯淚滿襟。

喜晴

衝飈動高柳，綠水澹微波。日照秋空淨，雨餘寒草多。

放懷遺簿領，發興託烟蘿。忽念故園日，東阡時一過。

書事

重門掩畫靜，寂無人境喧。嚴程事云已，端居秋向殘。
超搖捐外慮，幽默與誰言。即此自為樂，何用脫籠樊。

八月十七夜月

忽：秋逾半，清輝萬里同。遙知竹林故，一作離夜共賞碧。
雲空寂寞漢，一作盈尊酒淒涼。滿院風寒，塘空自淥不。

似小園東

憶齋中二首 一首五言 一首絕

高齋一遠眺，西南見秋山。景翳夕陰起，竹密幽禽還。

賞愜慮方融理會心自閑誰料今為客寥落一窓間

秋夕

秋風桂花發夕露寒螢吟歲月坐悠遠江湖亦阻深
紛思寧復整離憂信難任終遣誰為侶獨此澹冲襟

南安道中

曉澗淙流急秋山寒氣深高蟬多遠韻茂樹有餘陰
烟火居民少荒蹊草露侵悠悠秋稼晚寥落歲寒心

再至督役城樓作

荒城一騁望落景麗譙門隱隱鐘猶度依依嵐欲昏
風霜非故里禾黍但秋原極目歸來晚茲懷誰與論

晚望

禾黍彌平野淒涼故國秋清霜凝碧樹落日翳層立
覽物知時變為農覺歲道不堪從吏役憔悴欲歸休

亭溪道中

秋山有紅樹忽憶野田中禾黍收將盡氛埃晚欲空
登原悲落景倚杖怯高風更有寒塘水應將此處同

民安道中

祇役東原路長風海氣陰蒼茫生遠思僚慄起寒襟
午泊僧寮靜昏投縣郭深拙勤終不補誰使謾勞心

西郊縱步

西郊一遊步極目是秋山積水群峯碧清霜楓樹丹
故園心不展投策詎能閑且適平生意無令雙鬢班
濯足萬里流

褰裳緣碧澗濯足憇清幽却拂千巖石聊乘萬里流
氛埃隨脫屣步武欲橫秋極目滄江晚烟波殊未休
孤鶴思太清

孤鶴悲秋晚凌風絕太清一為棲苑客空有叫群聲
天矯千年質飄飄萬里情九臯無枉路從遣碧雲生

懷山田作二首 冬日
郊園多所樂况此歲云莫寒色澹一作遙空清霜變

紅樹欲舒林表望詎識塵中趣向晚寂無人氤氳欲
成霧 梅花

冰溪流已咽陰嶺寒方結忽值早梅春未恐芳心歇
的皜終自妍殷勤為誰折千里寄相思相思政愁絕
安溪書事 一作晚望

清溪流不極夕霧起嵐陰虛一作邑帶寒水悲風號
遠林涵山日欲一作山晦窺閣地一作迥景方沉極一作
日無遺眺空令愁寸心

春花 甲戌
春融百卉茂素縈敷綠枝淑郁麗芳遠悠颺風日遲

南國富嘉樹騷人留恨詞空齋對日夕愁絕鬢成絲
送王季山赴龍溪

故人千石令便道此之官契濶三秋永逢迎一笑懽
田園知不遠謠俗問非難已想躬玄默鳴絃亦罷彈
次旬父韻

五字何人寄鏘鳴蒲袖金劇知多暇日誰與共幽尋
簿領淹窮海鶯花遶故林功名終好在且莫負初心
次祝澤之表兄韻送劉子晉歸省

之子真吾友心期到古人慇懃來講學迢遞遠辭親
黃卷工夫妙班衣夢想頻今朝首歸路何處問知津

送祝澤之表兄還鄉

首夏何來此清秋却復歸應緣心未快豈是世相違
落日空書館涼風淨客衣功名須努力別淚莫頻揮
知郡傳文載酒僕被過烹於九日山夜泛小
舟弄月劇飲二首

扁舟轉漾一作空闊煙水浩將平月色中流蒲秋聲兩
岸生杯深同醉極嘯罷獨魂驚歸去空山黑西南河
漢傾

誰知方外客亦愛酒中仙共踏空林月來尋野渡船
醉醒非各趣心跡兩忘緣江海情清一作何限秋生一作

未蓬鬢邊

末利

曠然塵慮盡為對夕花明密葉低層幄水蕤亂玉英
不因秋露濕詎識此香清預恐芳菲盡微吟遠砌行
對月思故山夜景

沉：新秋夜涼月滿荆扉露泫凝餘彩川明澄素暉
中林竹樹映踈星河漢稀此夕情無限故園何日歸
同僚小集梵天寺坐間雨作已復開霽步至
東橋玩月賦詩二首

傑閣翔林杪披襟此日閑層雲生薄晚涼雨遍空山

地迥衣裳冷天高澄霽還出門迷所適月色滿林關

又

空山看雨罷微步喜新涼月出澄餘景川明發素光
星河方耿：雲樹轉蒼：晤語逢清夜茲懷殊未央
梵天觀雨

持身乏古節寸祿久棲遲暫寄靈山寺空吟招隱詩
讀書清磬外看雨暮鍾時漸喜涼秋近滄洲去有期

登閣

橫空敞新閣高處絕炎氛野迥長風入天秋涼氣分
憑欄生逸想投迹遠人群終憶茅簷外空山多白雲

挽劉寶學二首

天地誰翻覆人謀痛莫支公扶西極柱威動北征旗
肉食謀何鄙家山志忽齋平生出師表今日重傷悲

又

生死公何有飄零我自傷向非憐不造那得此深藏
心折風霜裏衣沾子姪行哦詩當肅挽悲更不成章

送芮國器二首

拄節千山外勤勞飽所經一心無適莫萬口自丹青
拂拭先賢傳光輝處士星活人功更遠試與問林垌

又

紫陌同年舊青雲得路新論心端有契下榻豈辭頻
話別驚如許相逢渺未因期公念經濟從此上星辰
梅花開盡不及吟賞感歎成詩仰貽同好二

首

憶昔身無事尋梅只怕遲沉吟窺老樹取次折橫枝
絕艷驚衰鬢餘芳入小詩今年何草々政爾負幽期

又

斐几冰壺在梅梢雪蕊空不堪三弄咽誰與一樽同
鼻觀殘香裏心期昨夢中那知北枝北猶有未開叢
宋文示及紅梅臘梅借韻兩詩輒復和呈以

發一笑

聞說寒梅盡尋芳去已遲冷香無宿蕊穠艷有繁枝

正復非同調何妨續舊詩廣平偏嫉媚鐵石悞一作悟

心期宋文此篇乃用施朱粉事

風霜催殘臘南枝一夜空誰知荒草裏却有暗香同
質瑩輕黃外芳騰淺絳中不遭岑寂侶何以媚孤叢

呈黃子厚

茅齋塵事遠幽獨興無窮永晝呻吟內新涼愁思中
朱顏非昨日綠鬢又秋風珍重墻東客遙憐此意同

挽范直閣二首

獻納陪興運如公衆所期憂時最深切信道不磷緇
落歸來賦忽殄瘁詩苑哀當日計宰木後人悲

又

先友多名士存亡幾許人惟公且彊健於我更情親
出處論心晚音書枉誨頻素車今日會誰與共傷神

次韻彥采病中口占

一榻流年度篝燈遙夜闌短衾寒一作閑自擁清鏡莫
頻看竹密初驚雪梅疎却耐寒從今花木夢無復在

彫欄

感事

聞說淮南路胡塵滿眼黃棄軀慚國士嘗膽念君王
卻敵非干櫓信威藉紀綱丹心危欲折竚立但彷徨
奉陪判院文充父平父兄宿回向用知郡丈

壁間舊題之韻

暮雨停驂處僧廬古道邊千峰環傑閣一水下平田
行役無期度經過幾歲年明朝須飽飯躡足上寒煙

感事再用回向壁間舊韻二首

江北傳烽火一作烽火江北胡兒大入邊已聞隳列障不
但擾屯田借著思人傑摧鋒屬少年偷安慙暇飽一作飽
食萬竈起愁煙

廊廟憂虞裏風塵慘淡邊早知煩汗馬悔不是留一作
屯田迷國嗟誰子和戎悞往年腐儒空感慨無策靜
狼煙

次韻判院丈雪意之作

端居歲復窮閉戶守冲澹風陰原野悲月黑庭除暗
浙瀝靜先知崩奔誰與探坐想青瑤林寒光生素艷
熹伏蒙判院丈垂示用韻喜晴之句率爾奉
酬伏乞笑覽

客枕終難穩歸來鼾息深曉雞回遠夢缺月挂空林
水谷晨加帽晴窓晝解襟詩筒多妙語仍喜舊盟尋

登梅嶺

去路霜威勁歸程雪意深
往還無幾日景物變千林
曉磴初移屐寒雲欲滿襟
玉一作野梅踈半落猶足慰
幽尋

挽籍溪胡先生三首

夫子生名世窮居幾幾年
聖門雖力造美質自天全
樂道初辭幣憂時晚奏篇
行藏今已矣心迹故超然

又

澹泊忘懷久渾淪玩意深
簞瓢無改樂山水自知音
冊府遺篇在公所定著論語
會義副在秘閣立原宰木陰
門人封馬

鬣寒日共沾襟

又

先友多淪謝唯公尚典刑
向來深繾綣猶足慰飄零
喬木摧霜幹長空沒曉星
傷心劇如許孤露轉鈴蟬
即事有懷寄彥輔仲宗二兄二首

又

一水方涵碧千林已變紅
農收爭暖日老病怯高風
徒倚非無計心期莫與同
向來歡會處離合太匆匆
聞說雙飛槩翩然下廣津
江湖知子樂魚鳥諒情親
淹速須關命行藏不繫人
三山雖好在惜取自由身

次知府府判二丈韻三首

兩公清廟瑟窈窕拂朱絲事紀一朝勝名從千古垂
流傳當共賦惆悵不同時且要君願解寧辭臣說詩

又

憶昨中秋夕寒盟約一作得重尋慢亭歡舉酒江閣快

論心月墮俱忘起壘空始罷樹祗今千嶺隔悵望一

何深武夷之遊張王二丈元復于厚及熹與焉江閣
之集子衡移具知府丈亦賜臨屈此詩併簡同

會諸公云又

志士懷韜略竒兵吼鏖干關河那得往肝膽不勝寒
壯節悲如許雄圖渺未闡皇輿方天席陋巷敢求安

得浙中知舊書云聖上留意武備諸
郡練卒皆點名閱武賜賚有加戎士

題祝生畫呈裴丈二首

近代丹青手心期良獨難夫君偏有思妙處却無端

堂上三湘遠人間五月寒空囊今有此不用一錢者

又

斗酒淋漓後顛狂不作難千峯俄紙上萬景忽毫端

石瘦岡巒古林深煙雨寒蒼茫無限意俗眼若為看

挽延平李先生三首

河洛傳心後毫釐復易差淫辭方眩俗夫子獨名家
本、初無二存、自不邪誰知經濟業零落舊煙霞

又
聞道無餘事窮居不計年
簞瓢渾謾興風月自悠然
灑落濂溪句從容洛社篇
平生行樂地今日但新阡

又

岐路方南北師門數仞高一言
資善誘十載笑徒勞
斬板今來此懷經痛所遭
有疑無與析揮淚首頻搔
次韻潮州詩六首

濠上齋二首

黃堂理事餘便坐永茲日語默趣雖殊
晦明心本一
舊聞貞體露已歎群疑失迨此復幾年
定知久純白

又

道若大路然柰此人好徑即事昧本心
離動覓真靜
安知濠上翁妙入玄中境偶寄郡齋閑
無欲民自正

閑坐

坐歎無餘事淡然塵慮希
閑中自怡悅妙處絕幾微
韓子成今古顛師果是非
悠然發孤些千載儻來歸

銷寇

年來揭陽郡牢落海陰墟
雲嶠無幽子潢池有跽徒
單車亦已稅蔓草不須鉏
比屋絃歌裏功高化鱷圖

山丹

昔遊嶺海間幾見蠻卉拆素英溥夕露朱藹爛晴日
歸來今幾年晤對祇寒碧因君賦山丹悅復見顏色

家釀二首

銍艾無中熟懼謹闕婁豐但知愁髮白那復醉顏紅
田舍寒如此侯家事不同新醅撥浮蟻春滿夜堂中

又

聞道兵厨盛春泉響鴈驚定知盈榼送不待扣門求
沉澆應難比茅柴祇自羞病身從法縛好客為公留

熹近戒酒故有法縛之詞既作此詩而
白衣已至賓朋已集可謂詩識矣一笑

酒市二首

聞說崇安市家：麴米春樓頭邀上客花底覓南鄰
詎有當壚子應無折券人勸君渾莫問一酌便一作
還醇

又

麗藻擄雲錦新章寫陟釐詩傳國風體興發酒家旗
見說難中聖遙知但啜醅盤餐雜鮭菜那有蟹螯持

檳榔

憶昔南遊日初嘗面發紅藥囊知有用茗盃詎能同
蠲疾收殊効脩真錄異功三彭如不避糜爛七非中

本草云檳榔殺三虫柳子馬尸蠱云擊汝鄴
糜爛縱橫七非見真詰鄴都者六天之也

和秀野韻二首

聞道無餘事，脩然百慮空。何心分彼我，無地著窮通。
昨日青衿子，明朝白髮翁。天機元自爾，不是故匆匆。

又

久矣安岑寂，山棲恨不深。謾將門自掩，那有客相尋。
炙背迎朝景，加趺度夕陰。感君傳秀句，把卷獨呻吟。

次秀野暑中二首

劇暑悲難度，清秋喜却回。病隨庚伏盡，尊向晚涼開。
臨水看雲去，鉤簾待月來。暑遊驚昨夢，曾上鬱蕭臺。

熹新自雲谷還家

又

絕境人難到，唯堪樂此身。泉吟青玉峽，風度白綸巾。
獨往寧無意，長閑未有因。雲山天賜履，吾道豈全貧。

雲谷絕頂四望雲山環數百里

黃雀斝

黃雀飛鳴處，交々異竊脂。不桑扈竊脂蓋以稻梁求易足，羅網去何遲。
味厚資偏嗜，謀疎闕自為。韓彭尚薤醢，么麼爾誠宜。

晦菴先生朱文公詩集卷之五

晦庵先生朱文公詩集卷之六

五言律詩

短句奉迎荆南幕府二首

雄藩荆楚地自古國西門客有籌邊略人知莫府尊

時平烽燧冷一作歌事省笑談溫宛洛河年向奇功

要一論

又

軍府資長筭家山輟勝遊故人千里別歸騎兩年秋
弔古寧忘恨開尊且破愁相思欲回首但上曲江樓

張敬夫作此
樓熹為之記

哭羅宗約二首

江閣論心地重來感慨多故人今已矣此道竟如何
但使窮新得終當訂舊訛語言雖永隔吾欲問滄波

又

行義追前輩孤風凜一生子平昏嫁了元亮去留輕
涪萬無歸棹嚴楊有舊盟空令同社客生死痛交情

傳安道楊儀之二漕勸農有詩次韻二首

並峙雙臺峻分馳四牡閑共欣膏脉潤未要粉泥乾
詩律何妨細歡情豈遂闌新畬行可問載酒想同看

又

世味今如許吾生本自閑心期雖好在欲習未全乾
錯莫塵編暗積遲壯節闌不因勲業晚清鏡亦頻看

登定王臺

寂寞番君後光華帝子來千年餘遺一作故國萬事只

空臺日月東西見湖山表裏開從知爽鳩樂莫作雍
門哀

次敬夫登定王臺韻

今朝風日好抱病起登臺山色愁無盡江波去不回
客懷元老草節物又踈梅且莫催歸騎憑欄更一杯

十三日晨起霜晴前言果驗再用敬夫定王

臺韻賦詩

北渚無新夢南山有舊臺端能成獨往未肯遽空回
磴滑新經雪林深不見梅急須乘霽色何必散銀杯
敬夫用熹定王臺韻賦詩因復次韻

新詩通造化催出火輪來雲物低南極江山接漢臺
心期千古迥懷抱一生開回首狂馳子紛々政可哀

後洞山口晚賦

日落千林外烟飛紫翠深寒泉添壑底積雪尚崖陰
景要吾人共詩留永夜吟從教廣長古莫盡此時心

自方廣過高臺次敬夫韻

素雪留流

一作清

疑當

壁蒼霞對赤城我來陰壑晚人

說夜燈明貝葉無新得蒲人有舊盟咄哉寧負汝安
敢負吾生

至上封用擇之韻

疇昔朱陵洞如今白帝城天高雲共色夜永月同明
萬象爭回巧千峯盡乞盟登臨須我輩更約羨門生
登祝融峯用擇之韻

今年緣底事浪走太無端直以心期遠非貪眼界寬
雲山於此盡風袂不勝寒孤鳥知人意茫茫去不還

贈上封諸老

夜宿上封寺脩然塵慮清月明殘雪裏泉滯隔窓聲
楮衲今如許緋袍那復情爐紅虛室暖聊得話平生
十五日再登祝融用臺字韻

江流圍玉界天影抱瓊臺拄杖烟霄外中巖日月回
箕山歲遁許吳市隱仙梅一笑今何在相期再舉杯
胡丈廣仲與范伯崇自嶽市來同登絕頂舉
酒極談得聞比日講論之樂

我已中峯住君從何處來莫留巖底寺徑上月邊臺
濁酒團栾坐高談次第開前賢渺安在清酌寄餘哀

十六日下山各賦一篇仍迭和韻

絕頂來還晚寒窓睡達明連床眇歸思三宿悵餘情
雲合山無路風回雪有聲嶽祇珍重意只此是將迎
和擇之韻

仰止平生舊今年得七來舉頭天一握倚杖雪千堆
講道心如渴哦詩思湧雷出山遺語在歸騎莫徘徊
十一月二十六日宿萍鄉西三十餘里黃花
渡口客舍稍明潔有宋亨伯題詩亦頗不俗
因錄而和之

鼎足爐邊坐陶然共一樽道心元自勝世味不須論

安穩三更睡清明一氣存雖無康樂句聊爾慰營嵬

清江道中見梅

今日清江路寒梅第一枝不愁風嫋々正柰雪垂々
煖熱惟須酒平章却要詩他年千里夢誰與寄相思

舟中晚賦

長風一萬里披豁暮雲空極浦三年夢扁舟二子同
離々浮遠樹杳々沒孤鴻若問明朝事西山晡靄中

過豐城作

渺々豐城縣回頭憶舊遊晴江羅遠樹宿莽亂中洲
寶劔今鱗甲神光尚斗牛他年還記得此夜一扁舟

舟中見新月伯崇擇之二友皆已醉卧以此
戲之

舟中見新月烟浪不勝寒與問醉眠客豈知行路難
殘陽猶水面孤鴈更雲端蓬底今宵意天邊芳歲闌
觀西山懷嶽麓以為莫能相上下也聊賦此
云

風月平生意江湖自在身年華供轉徙眼界得清新
試問西山雨何如湘水春悠然一作悠々一長嘯妙絕兩
無倫

進賢道中

往辭湘水曲今過豫章城改歲無多日到家總幾程
晝憐春意迫夜喜月華清此去無淹軌前途似掌中

安仁曉行

夙駕安仁道行：得自娛荒山圍野濶遠樹出林孤
景晦長煙合天寒碧草枯歸心懷往路極目尚平蕪
十七日早霜晴觀日出霧中喜而成詩

斜月夜窓白肅霜朝氣清長塗披素錦寒霧湧金鉦
已作三冬雨何妨十日晴天公且相念莫遣暮雲生
再用前韻

久陰冬竟暖欲霽氣先清田舍占煙火軍家候鼓鉦

風霜千里肅天地一朝晴明日知何日陽春又發生

章巖

豁爾天開宇呀然夜不扃閑雲任棲宿密雨斷飄零
破屋僧常住高軒客屢經古今題寫處一半蘚文青
次韻擇之章巖

驅馬倦長道投鞭憇此巖來應六轡載跡是五丁剗
泉脉流青潤林梢擁碧巉老禪深閉戶客子且征衫
有懷南軒老兄呈伯崇擇之二友二首

憶昔秋風裏尋盟湘水傍勝遊朝挽袂妙語夜連牀
別去多遺恨歸來識大方惟應微密處猶欲細商量

又

積雨芳菲暗新晴始豁然園林媚幽獨窓戶愜清妍
晤語心何遠謂日與擇之講論書題意未宣謂數收伯懸知崇近書
今夜月同夢舞雩邊

擇之誦所賦擬呂子進元宵詩同用元韻二

首

何處元宵好山房入定僧往來衣上月明暗佛前燈
實際徒勞說空華詎可憑還教知此意妙用一時興

又

何處元宵好寒龕獨寐人月窓同皎：燈鏡自塵：

靜鑒通天地潛思妙鬼神却憐迷路子狂走鬧城闐

次韻擇之梧竹二首并呈李通

竹塢深：處檀欒一作欒遶舍青暑風成慘淡一作寒

月助清冷客去空塵榻詩來拓來櫺此君同一笑午

夢頓能醒

又

永日長梧下清陰小院幽自憐風嫋：客賦雨瀏：
作別今千里相思欲九秋更憐同社友復此誤淹留

擇之寄示深卿唱和烏石南湖佳句輒次元

韻三首

一首七言律見別卷

未識南湖景遙欣二子遊賞心并勝日妙語逼清秋
贖欲携書卷相將買釣舟微吟歸去晚杜若滿汀洲

又

平湖渺空闊積水暮生寒但見綠千頃不知深幾竿
人間元迫隘世路足艱難若了滄洲趣無勞正眼看
小詩奉送擇之仁友赴漕臺之招後篇喜趙
公之得士而不敢致私怨焉然別懷黯然不
能成章亦足以見區々也二首

之子論交久深衷兩自知提携方有賴離索遽成悲
聖處應無數書來肯見私臨分莫惆悵努力共心期

又

珍重東臺老英聲舊所聞能懷吐哺意豈但枉書勤
得士看如許持心定不羣願言推此志清濁見明分
與劉德明祝濟之胡子寬晚步偶成

雨罷

一作寒逾勁

霜威正凜然不知荒迳濕行到野

橋邊曠望情何極徘徊意莫傳清波涵衆影日落暗

晴川

一作日落
倍登鮮

仙洲新亭熹名以畫寒紫微張公為書其額
判院劉文乃出新句輒次高韻二首

聞說藤蘿外神龍舊所蟠擘開千丈峽寫盡一襟寒

賞寄三杯酒歸投六尺單若無詩律集一作集好清絕不成歡

又

俏倩非人境寒蟬夏已稠陽崖驚素雪午扇怯清秋
共說新亭好真堪妙墨留賞心元不厭仙夢肯來游
時已聞安國之計

次韻晝寒

行穿危磴盡林表見孤亭澗瀉千尋白峯回四面青
塵襟元落之風腋自冷之一醉今何許無心賦獨醒
次判院丈晝寒亭韻有懷平父

把酒懷人處幽尋記往時新亭勞指顧勝踐闕追隨
為報層欄出莫憂浮柱歌惟應舊飛雪想象合心知
次判院丈清湍之什

明滅青羅帶周遭碧玉環孤亭感陳迹茂樹喜重攀
爽氣琴尊外泉聲枕簟間詩成無寫處絕壁蘚痕斑
次韻宿密菴

忽作經宵別曾竒莫與陳暮歸誇得句寒苦頓生春
道義知無數文章自有貞它年應共說此日自由身
聞季通德明諸友入山以詩迎之仍請先往
觀瀑布

勝友南窓底看書老歲華不因寒瀑響肯到野僧家
古徑開能久新亭去豈賒躋攀那可緩寂寞有雄夸

和季通畫寒韻

萬壑爭流

陳一作

處千年樹

謝一作

石幽危亭因我作勝

日為君留酒笑紅裙醉詩慙雜珮酬尚嫌心境窄更
約九坡游

奉酬圭父末利之作

玉蘂琅玕樹天香知見薰露寒清透骨風定遠含芬
爽致銷繁暑高情謝曉雲遙憐河朔飲那得醉時聞
奉酬圭父白蓮之作

忽傳夔府句并送遠公蓮翠蓋臨風迫冰華浥露鮮
舞衣清縞袂倒景爛珠躔想象芙蓉闕冥：絕世緣
公濟惠山蔬四種并以佳篇來貺因次其韻

焯

靈草生何許風泉古澗傍褰裳勤采擷枝筍噓芳

芬香冷入玄根閱春歸翠一作秀穎長遙知拈起處全

體露貞常

芹

晚食寧論肉知君薄世榮瓊田何日種玉本一時生
白鶴今休誤青泥舊得名收單一作功還多背北闕儻

關情時公濟
試禮部

筍

新筍因君寄康廬入夢中丹元餘故宅翠竹尚餘風

日、來威鳳年、饌籜一作龍猶嫌有兼味不似一

原功廬山簡寂觀道士陸修靜之所居從遠法師蓮

乃也

蕨此係古體附見于此

西山采蕨人蓬首尚傾國懷哉遠莫致引脰氣已塞

頃筐忽墮前此意豈易得良遇不可遲枯筍有餘力

雲谷合記事目效俳體戲作三詩寄李通

雲關湏早築基趾要堅牢栽竹行教密穿池岸欲高

乘春移齒齒帶雪覓蕭慘謂也更向關門外疏泉斬

亂蒿

又

堂成今六載上雨復旁風逐急添茆蓋連忙畢土功

謂柱下桂林何日秀蘭廷幾時通并築雙臺子東山

接水筒

又

莊合宜先立山搵却漸營泉疏藥圃潤堰起石池清

早印荒田契仍標別戶名想應頻檢校祗恐欠方兄

雲谷懷魏元履

歎息良齋老當年共此來千峯竒絕處一望興悠哉
病怯披雲卧詩勞擁鼻裁祇今何處所宿草闕餘哀
宿雲際寺許順之將別以詩求教次韻

薄暮投花縣驟車入翠微長林生缺月永夜照寒扉
情話欣無斃離懷悵有違勉哉疆毅力千里要同歸

挽汪端明三首

聖主興炎運明公起妙年材雄漢庭右學自北方傳
出入丹心壯安危素髮鮮空餘題劍在光燭舊林泉

又

曠宇元無際孤標自不羣物情良有寄讒口詎堪聞
未許時明政猶堪史闕文衣冠忽長夜餘子謾紛紛

又

先友當年盛斯文元祐徒艱虞共留落存沒半嗚呼
顧我真無賴逢公幸不孤祇今還一慟即此是窮塗
宿休菴用德功壁間韻贈陳道人

暮入千峯裏寒棲一草菴室連丹竈煖厨引石泉井
塵慮紛難到神光暖內含非君有道氣孤絕詎能堪

挽劉樞密三首

天畀經綸業家傳忠義心謀謨經國遠勳烈到人深

廊廟風雲斷江湖歲月侵一朝成殄瘁九牧共沾襟

又

談笑平蠻策焦勞振廩功復讎乖宿志忍死罄餘忠
人嘆百身贖天悲一鑑空九原終莫起千載自英風

又

久矣身無用前恩嘆莫償豈期今老大復此重悲傷
淚向遺書盡心隨宿草荒諸君那不死慟絕髮成霜

九日奉陪高州史君蒲陽別駕會稽丞公善
化明府仲衡詩伯并屈子美元範二兄及郡
中諸文武同登紫霄絕頂南望江湖北眺淮

甸少快心目既歸又得仲衡佳篇句法清麗
情致悽惋三復不勝起予之歎謹次韻呈請
皆賦之以紀一時之盛甚惠甚望

此日登高處千巖錦樹稠無人嘲落帽有客賦悲秋
忽：塵中老物外遊江湖空極目不盡古今愁
和張彥輔白鹿洞之作

邃谷新華館風煙再一作自吐吞舊眠聞野鹿遺恨響

驚猿李拾遺自此徙居少室乃被徵故有此句共賞忻同趣分携愴別魂

裴回空日夕無策駐行軒

次張彥輔西原之作

無處堪投跡空山寄一椽懸門窺絕壁繚徑上層巔
檻閣吞江浪窓虛響谷泉丹經閑自讀不為學神仙

次張彥輔卧龍之作

瀑水源何處高疑雲漢通瀉時垂練直落處古潭空
客寄詩能好龍蟠意自雄知君來峴首為我說隆中

次張彥輔樓賢之作

融冶一作何年事停杯莫問天祇今從痼疾疇昔似

因緣傾瀨一作耳真三峽投文沕九淵蘭亭那得此猶

足致羣賢

贈于盛二生

昔日豐城劍寒光射斗牛江山餘秀傑人物尚風流
二妙今安匹孤帆各倦游還家問師友折節慕前修

閏月十一日月中坐彭蠡門喚舡與諸人共

載汎湖至隄首回棹入西灣還分韻賦詩約

來晚復集詩不至者浮以大白簽判渺教授

學錄桂掌儀明大彭凡蘭判官擊南公一小

彭凡遡彥忠人直卿余公度漿敬直懷衛父

天堃流晦翁光

解組無多日歸哉喜欲狂臨風成邂逅載月下滄浪
酌酒傳清影鳴橈擊素光它年隔千里此夜莫相忘

登廬峯二首

循礪躋危磴披雲得勝遊蓬茅增舊葺竹樹喜新稠
夢想三秋別裴回十日留餘年端可料此地欲長休

又

佳友紛來集欣然會宿心風泉陪徙倚雲月共窺臨
雅唱情俱勝微言思獨深茲遊非逸豫邂逅得良箴

蘆峯次韻

澗水流千仞巖姿起萬般扶藜雖有興駐屐諒難安
好客能同趣羣峯肯縱觀蒼茫却無際誰與話愁端
次瑞泉詩韻

興懷來賞趣對景却忘言偶與同游客行逢幽澗原

淺泓排積腐暗竇溢流渾終待寒泉食無憂水鏡昏
游密菴得空字

欲覓仙洲路須乘萬里風飲泉雲出岫卧嶺月流空
永夜渾無寐悲歌莫與同起來殘樹影清絕小樓東

挽吳給事三首

臺省傾羣望江湖去一麾語聞三諫切政有百年思
不盡雲龍會還尋霧豹期誰知七休詠翻入八哀詩

又

粵自辭神武超然絕世紛前身疏太傅今日范忠文
圃樹寒留日湖波冷浸雲懸知千載下此地想遺芬

又

昔日觀風寄登堂識老成忘年見交態把酒話詩情
別去如三歲書來忽九京却思憑檻語忍遽勒公銘

次林擇之涼峯韻

解纜林間寺歸鴉晚欲盤望中嵐翠合愁外夕陽殘
尊酒何妨盡羈心且自寬無端蒲窓月遙夜不勝寒

和林擇之鳳凰山韻

木落髻鬟擁湖平粧鏡空荒亡餘舊事慘憺只悲風
興發千山裡詩成一笑中諸君莫惆悵吾道固當窮
熹去溫陵二十七年而復來顯菴益老見候

七里亭又以佳句見招而休齋陳丈寺丞黃
丈皆屬和焉因次韻奉酬併呈二丈

不因辭吏役那得解天刑故國重來遠寒山依舊青
興懷感陳迹舉目愴新亭尚喜灣頭老禪房許扣扃

答黃叔張

昔君趨玉陛抗疏肅邦刑便有榮褒袞無勞涕伏青
衆流爭靡一柱獨亭亭只恐追鋒急那容書拚扃

次韻陳休齋懷古堂

平昔塵編裏心期本自幽那堪舊泉石更作此追遊
好句看猶在遺忠愴已未一作休亦知今日意不逐大

江流

次公濟精舍韻

一室空山裏，纖塵迥莫侵。若非同臭味，誰肯遠過臨。
健策凌丹壑，清詩動玉琴。溪邊一回首，平地足崎嶇。

挽蔡太傅

疇昔相逢地，知君意矯強。旋聞將使指，勁節動朝行。
方為人材喜，相期事業長。如何遽不淑，未及鬢毛蒼。

挽鹿伯可郎中二首

造辟謀謨遠，勤民志慮專。和身謝軒冕，畢志友林泉。
出祖傾羣彥，歸來足二賢。誰令行樂地，容易鎖寒烟。

又

疇昔東州路，音書僅一通。承顏終未遂，仰德竟何窮。
野哭悲能遽，巖居計莫同。關心九原路，無樹不高風。

挽陳檢正庸二首

原德高賢躅，清名起懦襟。承宣幾年最，明恕一生心。
勢屈飛騰晚，忠存獻納深。忽騎箕尾去，陵栢為誰陰。

又

憶昔都門道，光華辱宰卿。丁寧話鹽筴，纖悉見民情。
一別驚時論，三年想頌聲。祇今空老淚，難使濁河清。

哭劉嶽卿

曾說幽棲地君家近接連要携邀月酒同棹釣溪船
遽爾悲聞笛真成嘆絕絃林猿催老淚為爾一潸然
詩餞陳兄朝章居士永歸本宅投諸挽者

蚤歲醇儒業中年居士身功名虛竹帛德義滿鄉鄰
一笑歲舟失千秋宰福新傷心者舊傳那復有斯人

詠巖桂二首

亭之巖下桂歲晚獨芬芳葉密千層綠花開萬點黃
天香生淨想雲影護仙粧誰識王孫意空吟招隱章

又

露浥黃金蘂風生碧玉枝千林向搖落此樹獨華滋

本末難同調籬邊不並時攀援香滿袖歎息共心期

次韻芮察院送寶文赴浙漕二首

遠俗何勞問威名舊已孚百城方仰澤一節遽還都
聖主勤脩政今年決破胡期公寧餽輓注想在謀謨

又

考卜川清曠端居柰樂何風雲一以便歲月不勝多
節傳無淹駕林園得屢過功名從迫逐志業豈蹉跎

挽梁文靖公二首

擢第初龍首登庸再鳳池心期詎溫飽身任必安危
幾歲調娛政今年殄瘁詩恭惟哀歛意不盡鑒亡悲

又

疏寵無前比騰章又夙心極知求士切端為愛君深
鹵簿寒笳遠塵埃斷葉侵空令殺公掾哀涕滿寒襟

挽周侍郎二首

德量推容物才猷足濟時陰功覃遠徼餘筭飽雄師
行李淹星歲還鄉感羽儀一朝成殄瘁九牧共傷悲

又

憶昔趨丹闕看公上玉除民飢深獻納主聖極欵獻
解手寒江闊驚心夜壑虛竭來空老淚無地別輜車

項年熹以浙東荒政入奏適公還自荆鄂先一
對具奏沿道所見飢民狼狽之狀上感其言賑恤加

厚然熹渡江不旬日即聞公訃今考
會葬又以偵伺失期追送不及故云

挽董安人二首

雅望推前輩承家賴女師閨門傳懿範湯沐盛恩私
萬里驂鸞去千秋宰樹悲自應銘婦德誰與篆豐碑

又

令尹古循吏郡君今勝流平生餘事業晚歲極熏脩
總帳真成夢靈辰竟不留遺風被簫挽未竟九泉幽

放船二首

浩蕩清江水依微綠樹風解維春雨外弭櫂夕陽中
江草生新徑岩花點舊叢詩翁不愁思逸興奔何躬

又

疇昔清溪峽船頭戲彩翰十年空徃事一夢記前灘
陟絕垂蒼壁澄虛列翠岫今宵詩卷裏重得縱遐觀
往解至輒起此峽有木鳥數十餘野乃翔集舟

蒙院判文示及再用元韻之作率易和呈以
求指誨

疇昔經行地溪山寂寞邊冰霜凝巨壑風雨暗中田
古寺堪投晚塵龕閱紀年論文寒夜永清絕裊爐煙

排律

頃以多言害道絕不作詩兩日讀大學誠意
章有感至日之朝起書此以自箴蓋不得已

而有言云首篇乃古体以下二篇律詩故附于此

神心洞玄鑒好惡審薰蕕云何反自誑閔然還包羞
今辰仲冬節寤歎得隱憂心知一寸光是彼重泉幽
朋來自茲始群陰邈難留行迷亦已遠及此旋吾輟

仁術

在昔賢君子存心每欲仁求端從有術及物豈無因
惻隱來何自虛明覺處貞擴充從此念福澤遍斯民

入井倉皇際牽牛穀棘辰向来看楚越今日備吾身

聞善決江河

大舜深山日靈襟保太和一言分善利萬里決江河
可欲非由外惟聰不在它勇如爭赴壑進豈待盈科
學海功難並防川患益多何人親祖述耳順肯同波

感事書懷十六韻

胡虜何年盛神州遂陸沉翠華棲浙右紫塞僅淮陰
志士憂虞切朝家預備深一朝頒細札三捷便聞一作
同音授鉞無遺筭沉機識聖心東西兵合勢南北怨
重尋小却竒還勝窮凶禍所臨旃裘方舞雪血刃已

披襟殘類除煨燼遺黎脫斧礮載商仍夙昔思漢劇
謳吟共惜措一作山河固同嗟歲月侵泉著久憔悴陵
柏幸蕭慘正爾資群策何妨試盍簪折衝須舊衮出
牧仗南金衆志非難徇天休詎可謀故人司獻納早
晚奉良箴

寄題李東老淵乎齋

東老幽棲地淵乎亦妙哉空山無客到流水有花開
句律今誰敵詩仙舊所陪朱絃悄餘韻綺席澹一作
浮埃竟日門多掩長沙歲一來端能負猿鶴歸計莫
裴回

春雪用韓昌黎韻同彭應之作

既有陽春曲那無白雪謠連天飛不斷著地煖還銷
未掩高人戶難齊衲子腰稍開銀世界漸長玉枝條
興盡愁煙艇行迷認野橋酒腸渾欲凍吟筆為誰搖
殘臘成三白餘寒一作開又一朝香隨梅藥落輕伴柳
花飄神女羞捐佩鮫人敢獻綃東皇應好事避舍亦
相饒

次彭應之餐雪韻

雪水淪清茗自謂絕世清終然犯煙火况復勞煎烹
豈如午霽餘探此竹外楹柘漿發甘和寶盃凝寒晶

心曾既清涼齒頰亦鏘鳴吞腥期永謝飲玉希長生
奉同黃子厚賦白芙蓉呈劉彥集平父

湛々曲池水曉含風露清田々綠羅蓋粲々白玉英
澹然絕世姿不與穠艷并俯鑒冰雪影詎懷兒女情
山中徒淹留堂下空日成獨有志機客相看兩無營

寄雲谷瑞泉菴主

憶昔誅茅日山房我自名風埃猶俗累煙雨負岩耕
多謝空門侶能同物外情肯來分半壑聊爾度平生
少待清秋日閑尋遠嶽盟不知誰是客一笑絕塵纓

孝宗皇帝挽歌詞

阜陵發引詔許近臣進挽歌辭燾恭惟盛德
大業不易形容方將擄竭鄙思以效萬一冥
搜連日纔得回語而忽被閔勞之詔罷遣東
歸遂不敢成章以進杜門累年每竊私恨戊
午之春大病瀕死默念平生仰孤恩遇無路
補報感激涕泗不能自已謹因舊篇續成十
有六韻畧叙本末以見孤臣亡狀死不忘君
之意云

精一傳心妙文明撫運昌乾坤歸獨御日月要重光
不值亡胡歲何由復漢疆遽移丹極仗便一作上白

雲鄉九有哀同切孤臣淚特滂詎因逢舜日曾得廁

周行但憶彤墀引頻趨黼坐一作座旁袞華叨假寵縞

素識通喪似有鹽梅契還嗟貝錦傷戴盆驚委照增

秩待行香手一作拜疏攄丹悃衡程發皂囊神心應斗

轉巽令亟風揚未答隆儒厚俄聞脫蹤忙此生知永

已沒世恨空長內難開新主遄歸立右廂因山方慘

澹去國又愴惶疾病今如許形骸可自量報恩寧復

日忍死續殘章

晦庵先生朱文公詩集卷之六

大正

八
夕
言
集
光
三
一
三
一
九

